



Broj: 06-04-20-1208-5/22
Maglaj, 25.02.2022. godine

Na osnovu čl. 64. stav 1. tačka b) i člana 70. stav 1., 2., 3. i 6. Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a na osnovu preporuke Komisije za javne nabavke navedene u Zapisniku o pregledu i ocjeni ponuda, broj 06-04-20-1208-4/22 od 25.02.2022. godine, u postupku „Nabavka i isporuka goriva“, Načelnik općine donosi

O D L U K U

o izboru najpovoljnijeg ponuđača

I

Kao najpovoljnija ponuda za dodjelu ugovora u postupku „Nabavka i isporuka goriva“ bira se ponuda ponuđača „Sjaj Petrol“ d.o.o. Maglaj broj 17-02/01-22, čija ukupna cijena, nakon provedene e-aukcije, iznosi 13.086,36 KM bez PDV-a, odnosno 15.311,04 KM sa uključenim PDV-om.

II

Za realizaciju ove odluke zadužuje se Služba Općinskog načelnika i Općinskog vijeća.

III

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

O b r a z l o ž e n j e

Odlukom o pokretanju postupka broj: 06-04-20-1208-1/22 od 11.02.2022. godine pokrenut je postupak javne nabavke: „Nabavka i isporuka goriva“.

Odbaran je konkurentski zahtjev za dostavu ponuda, te objavljen na Portalu javnih nabavki Obavještenjem o nabavci broj: 1140-7-1-2-3-2/22 od 11.02.2022. godine i 1140-7-1-2-8-3/22 od 15.02.2022. godine, a o čemu je ugovorni organ obavijestio četiri privredna subjekta, koji se bave djelatnošću iz predmeta nabavke.

Utvrđeno je da je kriterij za dodjelu ugovora najniža cijena.

U ostavljenom roku pristigle su tri ponude, kako slijedi:

1. „Hifa-Oil“ d.o.o. Tešanj
2. „Sjaj Petrol“ d.o.o. Maglaj
3. „Energopetrol“ d.d. Sarajevo

Komisija za javne nabavke izvršila je javno otvaranje ponuda dana 22.02.2022. godine i o tome sačinila Zapisnik sa otvaranja ponuda, te isti blagovremeno prosljedila ponuđačima, koji su ga uredno zaprimili. Otvaranju ponuda nisu prisustvovali ovlašteni predstavnici ponuđača.

Komisija je istog dana na zatvorenom dijelu sastanka pristupila provjeri kvalifikacije i ocjeni prispjelih ponuda, s obzirom na iskazane zahtjeve ugovornog organa u tenderskoj dokumentaciji, te utvrdila da dostavljene ponude oblikom i sadržajem u potpunosti odgovaraju traženim uslovima i prema utvrđenom kriteriju „najniža cijena“ sačinila listu rangiranja ponuđača kao u tabeli:

| R.B. | NAZIV PONUDAČA | CIJENA/KM (bez PDV-a) | CIJENA/KM (sa PDV-om) |
|------|------------------------------|-----------------------|-----------------------|
| 1. | „Hifa-Oil“ d.o.o. Tešanj | 14.273,88 | 16.700,44 |
| 2. | „Sjaj Petrol“ d.o.o. Maglaj | 14.556,75 | 17.031,39 |
| 3. | „Energopetrol“ d.d. Sarajevo | 13.646,82 | 15.966,78 |

Nakon što je Komisija konstatovala da su ponude formalno-pravno ispravne, zakazana je e-aukcija za dan 24.02.2022. godine, s početkom u 14,38 sati.

Nakon održane e-aukcije utvrđena je konačna rang-lista ponuđača, kako slijedi u tabeli:

| r/b | Naziv ponuđača | Cijena / KM za ugovor bez PDV-a | Cijena / KM za ugovor sa PDV-om |
|-----|------------------------------|---------------------------------|---------------------------------|
| 1. | „Sjaj Petrol“ d.o.o. Maglaj | 13.086,36 | 15.311,04 |
| 2. | „Hifa-Oil“ d.o.o. Tešanj | 13.100,00 | 15.327,00 |
| 3. | „Energopetrol“ d.d. Sarajevo | 13.646,82 | 15.966,78 |

U Zapisniku o pregledu i ocjeni ponuda (koji je sastavni dio ove Odluke) Komisija je dala preporuku rukovodiocu ugovornog organa da u postupku javne nabavke: „ Nabavka i isporuka goriva“ prihvati ponudu ponuđača „Sjaj Petrol“ d.o.o. Maglaj.

Na osnovu izloženog, a obzirom da ne postoje zakonski razlozi za neprihvatanje preporuke Komisije, primjenom člana 64. stav 1. tačka b) Zakona o javnim nabavkama („Službeni glasnik BiH“, broj 39/14), odlučeno je kao u dispozitivu odluke.


Pouka o pravnom lijeku:

Protiv ove Odluke može se izjaviti žalba Uredu za razmatranje žalbi Bosne i Hercegovine, putem Ugovornog organa: Općina Maglaj, u roku od 5 dana od dana prijema iste.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu. Žalba se podnosi neposredno Ugovornom organu u pisanoj formi, direktno ili preporučenom poštanskom pošiljkom.

Obradivač:

Ramiza Šišić



DOSTAVLJENO:

1. Ponuđači - putem maila
2. Služba ON i OV
3. a/a



NAČELNIK OPĆINE
Mirsad Mahmutagić

